



**CONVENIO A SUSCRIBIR ENTRE O CONCELLO DE VIGO ORGANISMO E A ENTIDADE "FEDERACIÓN GALEGA DE ATLETISMO" PARA O DESENVOLVEMENTO DUN PROGRAMA DE ACTUACIÓN DEPORTIVA NA INSTALACIONES DEPORTIVA MUNICIPAL "PISTAS MUNICIPAIS DE ATLETISMO DE BALAIOS".**

No Concello de Vigo, 12 de setembro de 2014

**COMPARECEN**

Dunha parte, D. Abel Caballero Álvarez en calidade de Alcalde do Concello de Vigo, que actúa en nome e representación do mesmo, en orde ás competencias que ten conferidas.


Doutra parte, D. Isidoro Hornillos Baz con DNI: 32426699B como Presidente da Federación Galega de Atletismo.

Ámbalas dúas partes recoñecen a súa capacidade e competencia para formalizar o presente convenio entre as entidades ás que representan e

**EXPOÑEN:**

Que o Concello de Vigo, a través da Concellería de Deportes, ten entre os seus obxectivos a promoción e dinamización deportiva en todos os ámbitos e de forma específica en relación a modalidade do atletismo e a instalación das pistas municipais de atletismo.

Que ambas entidades están interesadas en colaborar conxuntamente na coordinación de esforzos de cara a reunir os recursos necesarios para o correcto desenvolvemento de programas de colaboración en materia de promoción e dinamización da práctica do atletismo en Vigo.



Que de forma xenérica o obxecto principal do presente convenio engloba unha serie de actuacións en relación á dinamización e potenciación das diversas posibilidades de práctica deportiva na instalación Municipal das Pistas Municipais de Atletismo de Balaidos.

Que todos estes aspectos nos levan á necesidade de conxugar o presente convenio de colaboración coa Federación Galega de Atletismo, establecendo un marco de relación, que permita complementar actuación de ambas as dúas entidades, unificando esforzos na promoción deportiva na cidade de Vigo, polo que dito obxecto regulado polo seguinte convenio, atopase incluído no establecido no artigo 4.d) do RD 3/2011, polo que se aproba o TRLCSP.

Polo tanto, e para levar a cabo as accións necesarias que fagan realidade os fins propostos, ámbalas dúas entidades suscriben o presente convenio de colaboración definindo as actuacións necesarias baixo os principios e garantías de equilibrio, capacidade e solvencia, que de forma específica especificase nas seguintes

#### **CLAUSULAS:**

Primeira: A finalidade deste convenio fundaméntase de forma principal na colaboración conxunta para a dinamización deportiva das instalacións Municipais das Pistas de Atletismo de Balaidos. A vixencia do presente convenio será dende a súa sinatura ata o 31 de decembro de 2014. Para a continuidade do obxecto deste convenio será necesaria a realización dun novo convenio, previa solicitude da entidade.

#### Segunda:

A lexislación aplicable, para este convenio, o atopase excluído do ámbito obxectivo de aplicación do RD 3/2011, polo que se aproba o TRLCSP (art. 4.d), queda referida ás propias cláusulas do convenio, ás restantes normas de dereito administrativo vinculadas e, no seu defecto, ás normas de dereito privado.

Terceira: A Federación Galega de Atletismo, colaborará co Concello de Vigo no desenvolvemento da dinamización deportiva das instalacións municipais das Pistas de Atletismo de Balaidos, a través dos seguintes compromisos:



a) A Federación Galega de Atletismo, encargarse da dinamización deportiva a través do desenvolvemento de actuacións de promoción da practica deportiva, respondendo os seguintes aspectos:

a.1.- Xerar ofertas que se correspondan coas demandas das entidades deportivas de atletismo de Vigo, en relación coas súas propias competencias.

a.2.-Fomentar actividades e programas que dinamicen a práctica do atletismo coas entidades deportivas de atletismo de Vigo, así como aqueles outros programas que se acorden co propio Concello de Vigo baixo os principios de eficiencia y economía en funcións dos recursos vinculados o vixente convenio.

a.3.- Desenvolver as actividades deportivas oficiais contempladas no calendario deportiva das disciplinas atléticas.

b) A Federación Galega de Atletismo, para o desenvolvemento deste programa de promoción da practica deportiva, responsabilizarse e garantirá mediante persoal propio a apertura e peche das instalacións das pistas municipais de Atletismo de Balaidos. Dito persoal non terá ningunha relación laboral contractual co Concello de Vigo, e deberá atoparse baixo o réximen laboral adecuado a súa responsabilidade. Para ese efecto, a Federación Galega de Atletismo, contará con todos os medios materiais e organizativos suficientes, garantindo a través da sua facultade dirección e das súas potestades organizativas o correcto desenvolvemento do obxecto deste convenio.

Os horarios mínimos de apertura da instalación quedan establecidos en base o anexo I, o cal deberá adecuarse as necesidades demandadas polas entidades deportivas do atletismo vigués.

c) A Federación Galega de Atletismo responsabilizarse das tarefas básicas do control e vixianza das actividades. Igualmente garantirá a custodia das propiedades e enseres depositados na instalación, para o cal deberá comunicar os correspondentes partes de incidencias sobre calquera desperfecto atopado ou ocasionado polas actividades.



De forma xeral tódalas incidencias e necesidades serán trasmitidas coa maior celeridade posible ó departamento correspondente do Concello de Vigo para o seu fluído tratamento e coñecemento.

- d) A Federación Galega de Atletismo, será a responsable da execución dos programas deportivos, para o cal deberá ter unha póliza de responsabilidade civil que cubra os diversos ámbitos de actuación e responsabilidades derivadas das obrigas deste convenio. Ademais deberá de cumprir con todos os requisitos de seguridade obrigatorios por normas de aplicación sectoriais da actividade que se desenvolva.
- e) A Federación Galega de Atletismo, será responsable da execución das tarefas de mantemento funcional e preventivo das instalacións deportivas. Dentro deste ámbito de actuación se atopan os traballos de limpeza, así como os pequenos mantementos derivados do propio uso da instalación. Para a regulación deste apartado no primeiro mes de vixencia do contrato será preciso a realización dun acta inventario dos elementos vinculados a esta responsabilidade.
- f) A Federación Galega de Atletismo, para garantir o uso equitativo e equilibrado das instalacións, será responsable de propoñer unha normativa para o funcionamento e uso das instalacións, que deberá ser aprobado polo Concello de Vigo.
- g) A Federación Galega de Atletismo, poderá xestionar o 90% das diversas opcións de publicidade estática fixa no ámbito da instalación. Para o cal deberá solicitar do Concello de Vigo a autorización expresa coa presentación dun proxecto. Os acordos vinculados a ditos proxectos de publicidade repercutirán directamente na financiación do obxecto do presente convenio. Así mesmo, ditos acordos non poderán superar en ningún caso a vixencia de convenio.
- h) En toda a información e publicidade das actividades deportivas vinculadas a este convenio figurarán os logos do Concello de Vigo, da Concellería de Deportes como entidades colaboradoras. Así mesmo todos os medios de promoción e difusión deberán empregar o galego.




Cuarta: O Concello de Vigo comprométese a:

- a) Colaborar coa Federación Galega de Atletismo na difusión e dinamización dos contidos e actuacións vinculados con este convenio.
- b) Para facilitar o uso da instalación deportiva "Pistas Municipais de Atletismo de Balaidos", o Concello de Vigo facilitará á Federación Galega de Atletismo, unha copia das chaves, así como un código de acceso á instalación, responsabilizándose o persoal da entidade da custodia, adecuado uso para a apertura e peche da instalación, así como de non transferir a terceiras persoas, tanto as chaves como o código e acceso.
- c) O Concello de Vigo como titular da instalación responsabilizarase dos seguintes aspectos:
- Consumos de enerxía eléctrica, consumos de auga.
  - En relación co mantemento da instalación, o Concello de Vigo, en colaboración coa Federación Galega de Atletismo realizarán un programa de actuación de mantemento das instalacións.
  - A responsabilidade civil vinculada a titularidade da infraestrutura.
- d) O Concello de Vigo colaborará na financiación das actuacións vinculadas a este convenio coa aportación máxima de 18.000,00 euros, con cargo a partida orzamentaria da Concellería de Deportes 3410.227.99.05. Esta aportación é independente de outras aportacións que a Concellería de Deportes consigne para o desenvolvemento de competicións oficiais de atletismo na cidade de Vigo, en relación á organización de diversas probas atléticas na vía pública, como as tradicionais Carreira de San Xoán ou a Carreira do Pavo, entre outras.


Dito importe será aboado a Federación Galega de Atletismo, según a certificación bancaria de titularidade da seguinte forma:

d.1.- O 50% do importe total proposto, será abonado á Federación Galega de Atletismo mediante transferencia Bancaria, trala aprobación do presente convenio por parte da Xunta de Goberno Local, co obxectivo de poder afrontar os gastos iniciais vinculados o obxecto do presente convenio.



En relación a este pago anticipado non se considera necesario a solicitude de avais específicos, xa que a solvencia e capacidade da Federación Galega de Atletismo, está demostrada pola traxectoria da entidade como entidade que dende o ano 1990 ven desenvolvendo actuacións similares en relación a dinamización atlética nas pistas de Balaidos.

d.2.- O resto do importe abonarase á Federación Galega de Atletismo de modo fraccionado en porcentaxe do 25 %, e trala presentación das respectivas xustificacións parciais correspondentes ó desenvolvemento das actividades, xunto co informe do técnico responsable.



Establécese que xunto á tramitación do primeiro pago fraccionado do 25%, e previo o abono deste, a Federación Galega de Atletismo deberá xustificar axeitadamente o 50% recibido anticipadamente.

A axeitada xustificación, a realización do obxecto do convenio e o cumprimento da finalidade do mesmo será comprobada polos servizos da Concellería de Deportes.

A tal efecto, a Federación Galega de Atletismo, deberá presentar unha conta xustificativa na que deberá constar a declaración das actividades realizadas e dos gastos incorridos polo importe da subvención recibida; os xustificantes de pago polo importe da subvención dos gastos incorridos con facturas ou documentos de valor probatorio equivalente e o importe, procedencia e aplicación dos fondos propios e outras subvencións ou recursos que financiaran tamén o proxecto subvencionado.

A documentación da conta xustificativa deberá incluír unha relación de tódolos xustificantes de pago dos gastos incorridos polo importe da subvención.

Os xustificantes acreditativos dos gastos vinculados ó proxecto do presente convenio cumprirán as seguintes especificidades:

- As facturas, serán orixinais, deberán recoller o número de CIF, a data, número de factura e o IVE. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas, nin aquelas que non reúnan as esixencias previstas no RD 1.619/2012, de 30 de novembro polo que se aproba o regulamento polo que se regulan as obrigas de facturación. Nestas facturas se computará o gasto acreditado



deducindo o IVE, salvo que se xustifique a exención do dito imposto. Nos documentos xustificativos dos gastos incorridos, non será necesario que conste de forma expresa si os mesmos foron pagados con anterioridade ó proceso de xustificación determinado neste convenio.

- Atendendo á especificidade da actividade deportiva, aqueles gastos relacionados con arbitraxes, taxas oficiais de federacións deportivas, e outros conceptos análogos poderán ser xustificados a través de documentos orixinais (certificados de ingreso nas federacións, documentos de gasto de arbitraxes, documentos de pago de premios deportivos, etc.) emitidos polas Federacións que recollan adecuadamente, os datos fiscais das partes, as aportacións económicas, as retencións obrigatorias de ser o caso, e demais datos que xustifiquen o valor probativo do gasto en base a eficacia administrativa do mesmo.


O xefe do servizo de Deportes emitirá un informe ao respecto, previo o abono de cada un dos pagos parciais facendo constar, no seu caso, todas aquelas circunstancias que poidan resultar relevantes en orden a considerar incumprida ou defectuosamente cumprida os obxectivos do convenio.

Con carácter previo ao pago das aportacións económicas recollidas neste apartado, a Federación Galega de Atletismo, deberá acreditar estar ao corrente no cumprimento coas obrigas tributarias e fronte á Seguridade Social, así como ante o Concello de Vigo.

- e) O Concello de Vigo en coordinación coa Federación Galega de Atletismo desenvolverán un proxecto anual de necesidades en relación ós equipamentos técnicos de competición, que será desenvolto polo Concello de Vigo en función da dispoñibilidade orzamentaria en cada exercicio.

Quinta: O Concello de Vigo a través do seu persoal cualificado a tal efecto, resérvase a facultade de controlar o bo uso das instalacións, así como de emitir informes sobre o debido cumprimento das obrigas contraídas en materia de mantemento e coidado da instalación, para o cal a Entidade que asina este convenio atenderá as indicacións do Anexo II.

Sexta: A Federación Galega de Atletismo comprométese a confeccionar unha memoria anual en relación o desenvolvemento das actividades incluídas neste convenio, e detalladas no Anexo III, a cal deberá contemplar:



Por parte da entidade Federación Galega de Atletismo:

- Descrición das actividades realizadas.
- N° de participantes.
- N° de entidades.
- Valoración da actividade
- Outros puntos que sexan considerados de interese.

Desta memoria anual deberase dar conta á Concellería de Deportes.

Sétima: A Federación Galega de Atletismo, non poderá percibir cantidade algunha pola utilización das instalacións obxecto deste convenio, por parte de terceiros, nin poderá autorizar o seu uso unilateralmente sen autorización previa do Concello de Vigo.

Oitava: Para o seguimento do convenio constituirase unha comisión de seguimento que estará formada por dúas persoas nomeadas por cada unha das partes.

Novena: O incumprimento de calquera das cláusulas deste convenio poder ser denunciada polas partes, quedando facultado o Concelleiro de Deportes para resolver as posibles controversias derivadas da execución e interpretación do convenio.

En proba da súa conformidade, as partes intervintes, así o conveñen asinando por triplicado , no lugar e data indicada no presente convenio.

O Alcalde de Vigo

D. Abel Caballero Álvarez

O Presidente da Federación Galega  
de Atletismo

D. Isidoro Hornillos Baz



**ANEXO I**

Proposta básica dos horarios para o desenvolvemento das actuacións deportivas:

	*Horario Mañás	*Horario Tardes
Lunes	Pechada	18,00h-23,00h
Martes a venres	10,00h-13,00h	18,00h-22,00h
Sábados	10,00h-13,00h	Pechada

\*Horarios expostos a modificacións en función da celebración de competicións puntuais que teñan lugar nas instalacións.



## **ANEXO II**

### **Indicacións e pautas para o bo funcionamento da instalación:**

#### **A.- REVISIÓN DOS SISTEMAS E EQUIPOS DA INSTALACIÓN:**

Neste apartado facemos referencia o conxunto de sistemas que fan posible o funcionamento habitual da instalación tales como: a produción de auga quente sanitaria, sistemas de iluminación, marcadores, megafonía, etc.

a.1.- Recoméndase debido a súa importancia funcional, realizar unha revisión do seu funcionamento antes do inicio das actividades diariamente.

a.2.- Así mesmo pola complexidade e perigosidade dos devanditos sistemas, é absolutamente desaconsellable que se intente efectuar arranxos ou reparacións en ditos sistemas.

Ante a existencia de calquera incidente, deberá proceder a comunicalo coa maior celeridade posible, para que sexan reparados polo persoal autorizado polo Concello de Vigo.

Ditos avisos, aínda que polo seu carácter de urxencia poidan ser realizados telefonicamente, deberan ser identificados de forma escrita.

#### **b.- ATENCIÓN OS USUARIOS**

A filosofía normativa deste apartado centrase na procura de que os usuarios poidan desenvolver a súa actividade nas mellores condicións posibles.

b.1.- Antes do inicio das actividades cada día o responsable da entidade deberá revisar a mesma, debendo preocuparse do grao de limpeza e orden da mesma.

b.2.- Diariamente, realizarase unha revisión da instalación (vestiarios, salas, etc), comprobando que todo quedou en orde, e que non existen desperfectos. No caso de detectar algún deterioro, procurarase subsanar e darase parte do acontecido.

b.5.- Cando exista algunha avaría nalgún sistema, informarase desta circunstancia ós usuarios á chegada á instalación.


b.6.- Tampouco debese de abandonar a seguridade do usuario tanto a nivel persoal como dos enseres dos que sexa propietario, para o que deberase de ter en conta un control de acceso á instalación.



**C.- OUTRAS FUNCIÓNS XERAIS:**

- c.1.- Atender as orientación e programación feita polo Concello de Vigo.
- c.2.- Entregar mensualmente informes de uso da instalación.
- c.3.- Realizar os partes de incidencias de cantas anomalías sexan producidas na instalación.
- c.4.- Para os casos de incidencias persoais dos deportistas vinculados os programas deportivos do convenio, a entidade deberá dispor dos plans e procesos de asistencia médica, según os protocolos específicos da lexislación vixente en materia deportiva.

Firma manuscrita en negro, situada á esquerda do texto da lista de funcións.

**ANEXO III****PROGRAMA DE DINAMIZACIÓN ATLÉTICA DAS PISTAS DE ATLETISMO  
MUNICIPAIS DE BALAIOS.**

A Concellería de Deportes ten entre os seus obxectivos principais a promoción da actividade físico-deportiva, a dinamización de propostas encamiñadas ó fomento da práctica do deporte na cidade, a posta en marcha de iniciativas que faciliten o acceso dos e das cidadás a hábitos de vida saudables vinculados ó deporte, facilitar o desenvolvemento de competicións de diferentes ámbitos, niveis e modalidades dirixidas a deportistas da máis ampla gama de perfís ou optimizar o uso das instalacións deportivas de titularidade municipal. Neste sentido, a Concellería de Deportes pon en marcha diferentes iniciativas e programas que son desenvolvidos ben directamente, ou ben en colaboración con outras entidades pertencentes ó tecido asociativo ou federativo da cidade de Vigo coa finalidade de optimizar os recursos dispoñibles e atopar vías de entendemento que permitan conseguir o maior impacto e repercusión nos propios deportistas da cidade e o maior nivel de calidade posible.

En liña con estes obxectivos xerais, e co firme propósito de impulsar algunhas das iniciativas descritas, a Concellería de Deportes coordina, coa Federación Galega de Atletismo, o desenvolvemento dun proxecto de colaboración en relación ó funcionamento das pistas de atletismo de Balaios, que teñen un carácter de uso exclusivo para a diversidade do deporte do atletismo, e que demandan unha actuación de dinamización deportiva, que posibilite un uso racional da instalación, ao tempo que poda xerar dinámicas de consolidación das demandas atléticas dos diversos colectivos.

Encamiñado a alcanzar niveis de excelencia esixibles en calquera iniciativa de carácter público, e en liña cos obxectivos principais da Concellería, ésta diseñou un programa de dinamización e promoción da práctica do atletismo, no que se ten en conta a colaboración necesaria da Federación Galega de Atletismo como axente coñecedor das necesidades dos diferentes colectivos vinculados á práctica do atletismo na cidade, e como entidade coordinadora das necesidades xeradas polo propio sector, encamiñado a garantir unha oferta deportiva que



garanta un uso equilibrado e optimizado das instalacións municipais das pistas de atletismo de Balaidos, e simultaneamente desenvolva accións específicas dirixidas a potenciar a práctica do atletismo na poboación da cidade de vigo.

O desenvolvemento específico do proxecto de dinamización das pistas de atletismo de Balaidos se fundamenta nas seguintes actuacións concretas:

1. Coordinar iniciativas dos diferentes colectivos cuxa actividade se desenvolve nas pistas de atletismo municipais de Balaidos.
2. Acoller e coordinar competicións oficiais de carácter federado que posibiliten a promoción do atletismo fundamentalmente entre os deportistas máis xóvenes da cidade.
3. Coordinar a xestión da atención ós diferentes colectivos que desenvolven os seus proxectos deportivos nas instalacións municipais das pistas de atletismo de Balaidos.
4. Organizar e coordinar a celebración de diferentes eventos deportivos municipais, entre os que destacan:
5.
  - As "Series Municipais de atletismo" nas pistas Municipais de atletismo de Balaidos orientadas fundamentalmente á promoción do atletismo en pista, que se celebrarán en 5 xornadas distintas.
  - O Gran premio cidade de Vigo de Atletismo.
6. Albergar e facilitar diferentes competicións lideradas por distintos colectivos asociativos da cidade, como os Torneos de inverno, a Liga Nacional de Clubes, o Trofeo Alfonso Posada ou o Trofeo AVA, entre outros.
7. Optimizar e establecer os niveis de control necesarios na utilización das pistas de atletismo de Balaidos, armonizando equilibradamente as diferentes necesidades e establecendo criterios de usos equitativos.
8. Establecer o mantemento operativo da instalación determinando os criterios de calidade necesarios e levando a cabo os traballos necesarios que permitan unha axeitada conservación dos materiais e equipamentos.



Todas estas actuacións desenvolveranse nuns horarios ordinarios estables, adaptándose de forma extraordinaria ás necesidades vinculadas ó desenvolvemento das actividades puntuais do programa. Estes horarios estarán establecidos de forma ordinaria según a seguinte táboa:

Días	*Horario Mañás	*Horario Tardes
Lunes	Pechada	18,00h-23,00h
Martes a venres	10,00h-13,00h	18,00h-22,00h
Sábados	10,00h-13,00h	Pechada

\*Horarios expostos a modificacións en función da celebración de competicións puntuais que teñan lugar nas instalacións.